

## MA HEBRISE Ɔko Gɔ Matsɛɛ Masese Ma Hebrise

*Ƴaa Ɖbi Ba Kayakpa Ɖɔɔ Ƴaa Makpabo.*

<sup>1</sup> I ɔwi gɔ lofe ame ne, Ƴaa ɔɔɔ bo mawa ika gɔɔɔɔ i siri agbãagbã iso ɔkigu i kanyamadɔɔze iso.

<sup>2</sup> Ƴɛɛ i ayi tsɔra wagbe ame ne, ɔɔɔ bo ika ɔkigu i ɔ Ɖbi iso. Ɖ iso i Ƴaa ɔki fie ɔbara kayiiso fie ɔ idɔ ɔɔi sɔ ɔɔɔ ɔ ara ku kawirikɔ ne.

<sup>3</sup> Ɖbi gɔgbe nse ɔɔi ɔ Ɖse ikpawai ɔte fie ɔɔɔ ɔ se kumiamia tutuutu ne. Ɖmɔɛ kayi ɔto ala ɔ itɔme ne mba ɔle. Gɔ ɔfo kasukatse ɔtã maturi awune akpi ɔro ne, ɔkpase ɔse i Ƴaa gɔ ndɔ Ɖle Ɖɔɔɔ Sate kuɔɔɔ iso i kato.

<sup>4</sup> Ƴaa ɔkɔle Ɖbi kato ɔɔɔ Ƴaa makpabo le kumegɔ ame i Ƴaa ɔtã wũ iyere ne lomɔ idɔ Ƴaa makpabo ire.

<sup>5</sup> Alaso Ƴaa iiyere ɔ kpabo kuwɛ ku ɔwi gɔ lofe sɔ,

“Wũ Ɖbi aɔɔ.

Nɔme ne, loɔkpese fo Ɖse.”

Fie ɔiyere ɔ kpabo kuwɛ ana sɔ,

“Loaɔɔ fo Ɖse,

fie aɔɔ wũ Ɖbi.”

<sup>6</sup> Ƴɛɛ gɔ Ƴaa to ɔba ɔɔɔɔ ɔ Ɖbi biete ɔwɛ saã kayi gagbe iso ne, ɔɔɔ sɔ,

“Ƴaa makpabo ɔɔɔɔ si masɔre wũ.”

<sup>7</sup> I makpabo iso ne, Ƴaa ɔɔɔ sɔ,

“Losu wũ makpabo lobara le ɔwiri

- fiε wũ maḡabo magbe ne, lobara ma le ɔto  
sinyagemi.”
- <sup>8</sup> Ḳεε i Ɔbi iso ne, Ḳaa ɔḲε sɔ,  
“Ḳaa, fɔ sigara ɔḡewi iibafe ɔnya.  
Fie ase aḡe fɔ maturi iso i ɔri bɔlɔlɔa iso.
- <sup>9</sup> Ase aḡe ira ne nse bɔlɔlɔ fie atsiri nwa loiya  
tɔrɔrɔ.  
Ne ɔso i fɔ Ḳaa ɔsera-ɔ sigara, ɔtã-ɔ kuware  
isoḡɔ ne lomɔ  
iḡo fɔ malaa ire ne.”
- <sup>10</sup> Ḳaa ɔḲε ana i Ɔ Ɔbi iso sɔ,  
“Bosate, i karɔkasekɔ ne, fɔ lobara karɔ  
fie fɔ arɔĩ asu abara ala kuḡokpo.
- <sup>11</sup> Ara wagbe ɔḡuḡu to aawɔ, Ḳεε fɔ ne, apia ɔwi  
biara,  
ara wagbe to aaburi le arapia.
- <sup>12</sup> Ato aakarĩ wã le akatise  
fie aafinikira wã le kumegɔ mase mafinikira  
arapia.
- Ḳεε fɔ ne, ngbɔ ame aase ɔwi biara ne.  
Fɔ akɔ na kawirikɔ.”
- <sup>13</sup> Ḳaa iixere Ɔ kpabo kuwẽ sɔ,  
“Se i wũ kuḡearɔ iso ngbe  
gbɔgbɔɔgbɔ loatã atara ngba asia i fɔ mat-  
sirise iso.”
- <sup>14</sup> Iyɔ be i makpabo ḡe? Ma nḡe Siwarã dze nse  
sisɔre Ḳaa fie ɔse ɔpia ma sɔ mase maabuai mma  
loana iḡi ne.

## 2

### *Ḳaa To Ɔatã Maturi Ɔna Iḡi Mɔmɔ.*

- <sup>1</sup> Nnegbe ɔso ikote sɔ boamɔẽ ɔnukuare ara wa  
ɔḡuḡu mate bo bola teteree sɔ boibayu ɔri ne.

<sup>2</sup> Alaso si mmara me i Yaa makpabo ofo mabo bo mawa de migbaãre fie si orere ota oya me iso mase makpadzẽ wũ kutsue go lokate ne,

<sup>3</sup> nda boabara fie boateri i kutsue ikpadzẽ ne loaba bo iso si bosẽ idi siare negbe? Bosate Yesu momo ode lode katõ ope idi negbe imomo fie mma lonõ ne fie boawo ma ofo ode oja maaxere bo.

<sup>4</sup> Yaa osu akparĩ gu awawãra agbãagbã gu Siwarã Bielea karatã ga oye otã maturi i õ momo kudõ kanya osia idi siare negbe ita.

*Yesu Nde Ngo Lotã Bo Idi Momo*

<sup>5</sup> Yaa iisu kayi xete ga iso itõme boto boye ngbe o pia i makpabo kayirino.

<sup>6</sup> Yee Oko Sekelea ame kakoi kawẽ ne, matsere so,

“Be i oturi awune de oso fie fo ano sia wũ iso?

Be kowũ i oturi awune de oso ato adzuẽ wũ ngbo?

<sup>7</sup> Abõ wũ karõ kekeĩ i owi kurukutua ame aõo Yaa makpabo.

Asu ikpawaĩ gu kuware atomedza wũ le sigaraikoto.

<sup>8</sup> Fie asu ira biara apia wũ i kayirino.”

Si Yaa osu ira biara o pia i õ kayirino ne, iyo kuira na ne iso ona ole. Yee kinio ne, boito bonya so ira biara pia i oturi kayirino.

<sup>9</sup> Yee bonya Yesu go i owi kurukutu ame ne, Yaa obo wũ karõ odo makpabo, so iki i Yaa nnyainyo ame ne, okpi i maturi odudu iti. Bonya so iki i õ kukpi go okpi ame ne, Yaa ootomedza wũ ikpawaĩ gu kuware sigaraikoto.

10 Ikote sɔ Ƴaa gɔ lobara ira biara fie ɔmoẽ wã ɔduɔdu ɔto ɔtã sɔ Kristo ɔyi iki i ð inyewe ame sɔ ðako maturi gbodzoo ma nde Ƴaa mabi ɔbo sɔ maana kaɔekɔ i ð ikpawai ame.

11 Ɖsekelera maturi ɔbɔregu i ma akpi ame, fie ma gu mma ɔsekelera ne, Ɖse ɔwẽ ɔɔe ma. Ne ɔso iito ikpẽ Yesu kunuare sɔ ðakpere ma sɔ ð manyiibi ne.

12 Ɖɣere Ƴaa sɔ,

“Loaɣere wũ manyii nne abara.

Fie loale-ɔ i ma kasarekɔ.”

13 Ɖɣe ana sɔ,

“Loasu wũ anɔ losia i Ƴaa iso.”

Fie ɔledza iɣe sɔ,

“Ɖɔnya me gu mabi ma i wũ Ƴaa ɔsu ɔtã me.”

14 Gɔ mma ɔto ɔkpere sɔ mabi ɔe sosina gu ima ɔso ne, Yesu ð wũ ɔkpesera so le ma ɔwẽ awe i siturina ame. Ɖbara ngbo sɔ iaki ð kukpi ame ne, ðawɔra Ɖbosam gɔ mba kukpi ɔle.

15 Iki i nnegbe ame ne, ɔkurisi mma ɔduɔdu nde masande matã ifɔ i ma agbanayi ɔduɔdu ame gɔ mato manigã kukpi ɔso.

16 Ite sekelee sɔ iide Ƴaa makpabo maɔe ɔse ɔbuai, Ƴee Abraham mawa maɔe ɔse ɔbuai

17 I ɔri biara iso ne, ɔkpese le ð manyiibi awe fie ɔwo sɔredzekpakpa pelepele nnyanyɔdze gu ngɔ nse ɔbara ara i ɔri iso i Ƴaa karabara ame ɔɔe. Ngɔ losu so ɔsɔre ɔtã Ƴaa sɔ maturi ɔduɔdu aana ma akpi isu itse.

18 Ne ɔso si ɔrere to ɔki i kalakanyɔ ame ne, ðawo wũ ɔbuai alaso ð wũ mala wũ manyɔ fie ɔwe inyɛ.

### 3

#### *Yesu Kayakpa Ɔkɔle Kaɔo Mose Kare.*

<sup>1</sup> Ne ɔso wũ manyii sekelea ma mba kaɔekɔ i Ƴaa ikpere ame, minyɔ Yesu gɔ nde bo kafɔkaɔe ga itɔme bose boɣe Katɔmesedze gu sɔredzekpakpa pelepele.

<sup>2</sup> Ɖbara ara i ɔri iso ɔtã Ƴaa gɔ lokpere wũ sɔ ɔbara ɔ̃ karabara, le kumegɔ ame i Mose ɔbara i ɔri iso i ɔ̃ karabara ame i Ƴaa iyo.

<sup>3</sup> Ngɔ lotsue iyo se ɔwe kuware ɔɔo iyo ne ɔtsue. Ngɔ ame i Yesu ba kuware gɔ lomo kuɔo Mose kure ne.

<sup>4</sup> Iyo biara ba ngɔ lotsue ne, ɣee gbaã ne, Ƴaa nde ngɔ lotsue ira biara.

<sup>5</sup> Mose ɔbara ira biara i ɔri iso i Ƴaa iyo le ɔɔabo awe, fie ɔɔe ika i ara wa i Ƴaa aaye i ɔwi gɔ i katɔ iso.

<sup>6</sup> Ƴee Kristo to ɔbara ira biara i ɔri iso le Ɖbi gɔ mba ɔle i Ƴaa iyo iso. Bo nde ɔ̃ iyo si bomɔẽ bo katetere gu kafɔkaɔe i nne boto bonyɔ ɔri bola teteree.

#### *Inya Sɔ Boakã Ƴaa Kuka Atsue.*

<sup>7</sup> Ne ɔso le kumegɔ i Siwarã Bielea ɔɣe sɔ, “Nɔme si minɔ Ƴaa silɔ ne,

<sup>8</sup> midaabara atsuele  
le kumegɔ i mi mawa ɔbara

ku ɔwi gɔ mata maya Ƴaa iso, mala wũ manyɔ i fafuĩ ame.

<sup>9</sup> Mmɔ mala me manyɔ ne

atoa sɔ manya ara wa lobara i ako sina ame.

<sup>10</sup> Ne ɔso lonagu ɔwi gɔmɔ maturi sikipã

fiε loϣε sɔ, ‘Maɔe maturi ma iso aibawo iti  
osɔ osia.

Fie masẽ sɔ maibakã wũ mmara atsue.’

<sup>11</sup> Lonagu ma sikipã lokã ndamu sɔ,  
‘Maibabo i karõ ga iso tee loatã ma iwarã  
manya!’ ”

<sup>12</sup> Wũ manyii fɔɔɔɔɔɔ, minyɔ so kukaako sɔ  
kuwẽ i mi ndẽ iibawe otu gɔ lonyanyarĩ fie ona  
kafokade sɔ ɔafiniki i Yaa gɔ mba ngbã kama.

<sup>13</sup> Yεε si ikpi iibasosola mi kuwẽ itã mikpese  
matsuelese ne, mibuai so ayi kumegɔ miϣe sɔ iyi  
biara ne Nɔme iɔe.

<sup>14</sup> Boba kaɔekõ ku Kristo si bomɔẽ bo oriinyɔ  
ne boba ta karõkasẽkõ bola teteree ise iabo  
kawirikõ.

<sup>15</sup> Ngbo i Oko Sekelea oϣe sɔ,  
“Nɔme si minɔ Yaa silɔ ne,  
midaabara atsuele  
le kumegɔ i mi mawa obara gɔ mata maya Yaa  
iso.”

<sup>16</sup> Mabe nde mma lonɔ Yaa silɔ fie mata maya  
wũ iso? Mma oɔɔɔɔɔ i Mose okɔ oboregu i Egipte  
karõ iso maɔe.

<sup>17</sup> Mabe i Yaa onagu sikipã ako sina? Mma  
lobara ikpi, fie makpi i fafuĩ ame.

<sup>18</sup> Gɔ Yaa okã ndamu teteree sɔ maibabo i karõ  
ga ame ɔatã ma iwarã manya ne, mabe maɔe  
oto? Mma loikã wũ atsue oto.

<sup>19</sup> Ite sekelee sɔ nne osɔ maibo i karõ gamɔ iso  
nde sɔ maifo Yaa maɔe.

## 4

<sup>1</sup> Ne osɔ gɔ ori okpese opia sɔ maturi aakele  
iwarã ne i Yaa oϣe ose ame ne, mitã bodzuẽ so. Si

iide ngbo ne, mi mawě iito maakate matã iwarã nemɔ ame ikelɛ.

<sup>2</sup> Alaso bo wũ ne, maɣere bo itõme le kumegɔ maɣere mmamɔ ana. Manɔ itõme, ɣee maina kusia kukuwě alaso maifo ne maɛe.

<sup>3</sup> Bo ma lofo boɛe ne, bo mba iwarã ne i Ƴaa ɔɣe ɔse ne. Le kumegɔ ɔɣe sɔ,

“Lokã ndamu i sikipã ame sɔ,

‘Ma kukpa iibane karõ ga iso maana wũ iwarã manya!’ ”

Ƴaa ɔɣe ngbo atoa sɔ ñoro ñ momo karabara ku ɔwi gɔ ɔbara kayiiso.

<sup>4</sup> Alaso i Ɔko Sekelea ame ne, matsere i kakoi kawě sɔ,

“Iyi kodzeva iso ne,

Ƴaa ɔwarã fie ñisibara karabara kukawě.”

<sup>5</sup> Ɔledza iɣe i itõme negbe ame sɔ, “Ma kukpa iibane karõ ga iso tee maana wũ iwarã manya!”

<sup>6</sup> Atoa sɔ mma loɛe katõ mafɔ Itõme Bielea iiwo iwarã ame ɔbo alaso maikã Ƴaa atsue ne, ɔri ɔkpese ɔpia ɔtã maturi mawě sɔ maabo iwarã nemɔ ame.

<sup>7</sup> Nnegbe ɔso fie Ƴaa ɔse iyi mama ne ɔto ɔro sɔ Nõme fie ɔɛe ika ɔkigu i David gɔ maɣe kamakama iso sɔ,

“Nõme si minɔ Ƴaa silɔ ne, midaabara atsuele.”

<sup>8</sup> Alaso si Yosua lowo ma ɔko ɔbogu iwarã ame ne, tee Ƴaa iisibaɛe ika i iyi mama iso.

<sup>9</sup> Ne ɔso iwarãyi iwě ɔkpese ise gɔ Ƴaa maturi aawarã i ne iso.

<sup>10</sup> Alaso mma loabo i Ƴaa iwarã ame ne, mato maawarã le kumegɔ i ñ wũ ɔwarã i ñ karabara ame.

<sup>11</sup> Ne ɔso mitã sɔ bo wũ boakpẽ sɔ boabo iwarã nɛmɔ ame sɔ kuwẽ iibakpase i kafɔkaɖe ame ala atsuele ɔso le mma loibo.

<sup>12</sup> Alaso Yaa itõme ba ngbã, ito ibara karabara, iba ɔbe idɔ ibe inyɔ ipɛmi biara. Ise ibo i ɔturi ame dzoroo iye sosina gu siwarã ndẽ, iye akui kusakõ gu akui ame idã ndẽ. Ise ifafare ɔturi adzuni gu õ ɔtu ame ara wa ɔto ɔbu ame pelepele.

<sup>13</sup> Ara wa ɔɖuɖu i Yaa ɔbara ne, kuiwẽ iiwere wũ. Ira biara se pefee i õ katõ, fie õ kɔre i bo ɔɖuɖu aatã akonta.

*Yesu Nɖe Masɔɛdze Ɖɖuɖu Ɖkpakpa Pelepele.*

<sup>14</sup> Gɔ boba sɔɛdzekpakpa pelepele siare gɔ lokɛɛ kato i Yaa iyotẽ gɔ nɖe Yaa Ɖbi Yesu ɔso ne, mitã bomɔẽ bo kafɔkaɖe ga itõme boto boye bola teteree.

<sup>15</sup> Alaso õidɛ sɔɛdzekpakpa pelepele gɔ i bo ara iibaɖo kayiri. Yee ne, ngo mala manyɔ i ɔri biara iso le bo ame ye ɔibara ikpi kuiwẽ ɔɖe boba.

<sup>16</sup> Ne ɔso mitã bosu katetere bobore bobo Yaa i õ sigaraiyara iso ngbego õanyɔ bo nnya fie boana abualera sɔ inyaa iyi ne, Yaa aanyɔ bo nnya.

## 5

<sup>1</sup> Sɔɛdzekpakpa biara keke ne, õ manyii ndẽ mase maɖi wũ mabɔregu sɔ ɔsɔre Yaa i ma kanya, ana ne, ɔse ɔsu ma karatã gu ara fẽa ɔtã Yaa i ma akpi iti.

<sup>2</sup> Gɔ õ mɔmɔ ba aɣere i siri agbãagbã iso ɔso ne, ɔse ɔna ɔtu ɔtã mma loiye nne maabara gu mma nto mayu ɔri.



<sup>3</sup> Fie go ñ mómó ba akpi ɔso ne, iide maturi iti ɔnɔwě ɔse ɔfě ara, ɣee ku ñ mómó akpi iti.

<sup>4</sup> Kuwě iise ɔɔi so, ɔkɔle so ɔkpesera sɔredzekpakpa pelepele. Ƴaa ɔnɔwě nse ɔɔi ɔturi le kumego ɔɔi Aaron.

<sup>5</sup> Ngbo ame i Kristo iikɔle so kato ɔkpesera so sɔredzekpakpa pelepele ne. Ƴee Ƴaa ɔɣere wũ so,

“Ƒo nde wũ Ɔbi.

Nɔme ne, loɔkpese Ƒo Ɔse.”

<sup>6</sup> Ɔɣe ana i kakɔi mama so,

“Aaɔe sɔredze ɔwi ɔaa

le Melkisedek awe.”

<sup>7</sup> Ɔwi go i Yesu ɔwe i karɔ iso ngbe ne, ɔkparama kayi ɔkare ara ku kulu gu sɔkpabo teteree gu nnɔme ɔtã Ƴaa go loawo wũ ɔɔi ɔbɔregu i kukpi ame. Go ɔbo so karɔ fie ɔsu so ɔtã ɔso ne, Ƴaa ɔno wũ.

<sup>8</sup> Atoa so Ƴaa ɔbi ɔɔe ne, iki i ñ inyewe ame ne, ɔsuã so ñakã Ƴaa atsue.

<sup>9</sup> Go Ƴaa ɔɔbara wũ ɔkote i ɔri biara iso ɔro ne, ɔba ɔakpese ngo iso i mma nto makã Ƴaa atsue aaki maana idi.

<sup>10</sup> Fie Ƴaa ɔɔsia ita ɔse so ɔaɔe sɔredzekpakpa pelepele le Melkisedek awe.

*Minyo So So Miibakpese Kama I Mi Kafɔkaɔe Ame.*

<sup>11</sup> Atɔme gbodzoo pia tee boɣere mi i ara wagbe iso, ɣee wã iɣe ba ɔle alasɔ miito mino ara karɔ malamala.

<sup>12</sup> Gbaã ne, ikote so tee ka miakpese maratedze, ɣee ne, mikpese miɣiã ɔturi mama go loate mi ara ɔeakatɔ i Ƴaa ara ame. Go tee ka miade

ađera wa mba ɔle ne, mikpese mitogu inye imeme.

<sup>13</sup> Ɖbiara go lokpese ɔto ɔmeme inye ne, ɔbiɛte go nna iwola i isee gu ikpi ndě ɔđe.

<sup>14</sup> Ađera wa mba ɔle ne, makpakpa ađera ađe, mma iki i ma ara isuã ɔso ne, ka maba iwola i isee gu ikpi ndě.

## 6

<sup>1</sup> Ne ɔso mitã bokɛɛ katõ si bonyua sibiɛte ɔwi ara wa bosuã i Kristo ame boɛ. Mitã so boabɔre i karõkasekõ ara ite i kumego boafiniki i ara wa nna kusia kama gu kumego boafõ Ƴaa bođe iso.

<sup>2</sup> Mitã bonyua karõkasekõ ara ite i Ƴaa itupie gu nrõ isia maturi iso gu makpise ita gu kawirikõ atõme iyegu iso.

<sup>3</sup> Ne ɔso mitã bokɛɛ katõ, fie si Ƴaa ɔtorã ne ngbo boabara ne.

<sup>4</sup> Mma loowe i kafokađe ame manya fie makpese kama ne, nda maabara fie maakpese mafiniki? Maoti Ƴaa karatã manyo fie Siwarã Bielea ana ɔwe i ma ame sinya.

<sup>5</sup> Iki i ma ara inya ame ne, maye so Ƴaa itõme le, fie maoti kayi ga nto kaba ɔle manyo,

<sup>6</sup> si makpese i ma kafokađe kama ne, maisibawo ɔfiniki ɔsiai Ƴaa alaso mato maledza Ƴaa Ɖbi ipe imatãra i kudziri iso, mapia wũ kunuare i maturi ndě.

<sup>7</sup> Si kado ɔpe ɔfere i karõ fie kanɛ ndu, katã ađera ɔle atã mma ɔso makpě ne, Ƴaa se ɔtã karõ gamo kusekuse.

<sup>8</sup> Үεε si karõ gamo ne miyu gu atongbã lore i kã iso ne, kana kusia kukuwẽ. Kabore kabo sigbarĩ fie katsorakõ ne, mato maapia kã oto.

<sup>9</sup> Manyii, atoa so bođe ika kumεgogbe ne, mi Үεε ne, bofo mi bođe so miҫe ara sεε iki i kumεgo i Үaa aafõ mi iso.

<sup>10</sup> Alaso Үaa ne, oturi bõlõlõa ođe go õibayara mi karabara sεε, mi kudõε go midj mite wũ gu ibuai ne mitã mafõdõdze fie mitogu itã ipε i kinio.

<sup>11</sup> Үεε boto bobie teteree so mi õbiara aapia kube ngbo mila mionyo ori ku otu odudu ise iabo kawirikõ.

<sup>12</sup> Ne oso midaađe madãdze, Үεε boto bobie so miasore mma losu kafõkađe gu iҫaraso mifo kaҫekase ga i Үaa oҫε ose.

### *Үaa Osia Ita I O Kaҫekase Iso.*

<sup>13</sup> Owi go i Үaa okã ndamu otã Abraham ne, otarĩgu so alaso kuwẽ na go lomõ odo wũ fie õatarĩgu.

<sup>14</sup> Oҫε so, “Gbaã ne, loatã-o kusekuse, lotã fo mawa osi gbodzoo.”

<sup>15</sup> Ne oso go Abraham oҫara so pokõsoo omõẽ so ola ne, nne i Үaa oҫε ose opegu wũ korõ.

<sup>16</sup> Maturi se matarĩgu ara wa lomõ aдо ma momõ si mato mabie so masia ita i nne mato maҫe iso so gbaã idε ne kakpadzẽ kukawẽ na iso.

<sup>17</sup> Ne oso i Үaa otarĩgu ira osu osia ita i nne oҫε ose so õabara iso ne. Alaso õbie so ikpa mma loafõ õ kaҫekase so nne oҫε ose iise ifiniki.

<sup>18</sup> Ne oso Үaa obara ara ka anyo wa loibafiniki, wã ndε kaҫekase gu ndamu me okã fie wã aka

wã anyo wagbe iibawo sila oḍe. Nwagbe oso i bo mma lotere botarigu wũ na ifõ ɖuɖuudu ne, alaso boto bonyo ara wa oḣe ose ori.

<sup>19</sup> Oriinyo negbe lomõẽ bo ngbã ito le kumego i siɖu se simõẽ kudziri sila i karõ ame. Ise iko bo ikigu i okati go masa i isoreyo ame ikelɛ kasorekõ kasekelekõ ga mpia i kame ame.

<sup>20</sup> Mmo i Yesu obo i bo kanya le oḍeakatõ ne. Fie õ loba ñakpese soredzekpakpa pelepele le Melkisedek go nna kawirikõ ne.

## 7

### *Melkisedek Go Nḍe Soredzekpakpa Pelepele.*

<sup>1</sup> Melkisedek gogbe loḍe Salem igara gu Yaa go i Kudokpo Soredze ne. Osaregu Abraham ku owi go i Abraham ose i karpã ose ñaḍoe magara fie otã wũ kusekuse.

<sup>2</sup> Mmo i Abraham osu ira biara ne ona ika weova otã wũ.

Ideakatõ ne, Melkisedek karõ nḍe igara go nse obara ara i ori bololba iso. Inyare ne, Salem Igara karõ nḍe so Isobue Igara.

<sup>3</sup> Maiḍe ika i õ ose xee õ onyi iso fie maiḣe kuira ana i õ oḣekpare iso. Maiḣe kuira i owi go maye wũ xee owi go okpi iso. Nnegbe oso ore Yaa Obi fie oḍe Soredze go nna kawirikõ ne.

<sup>4</sup> Minyo kumego i Melkisedek gogbe ḍe oturi nyaa! Abraham go nḍe bo owakpakpa otã wũ ara oḍuḍu wa ona i karpã ame ika weova.

<sup>5</sup> Levi mawa ma nḍe masoredze ne, mmara otã ma ori so mafõ ara ika weova i ma manyii Israel mabi oḍuḍu kore atoa so ma wũ ne, Abraham mawa maḍe.

<sup>6</sup> Үе Melkisedek гo loibore i Levi oхekpare ame ne, ofo ara ika weova i Abraham kore fie ota ngo i Yaa ota kaxekase kusekuse.

<sup>7</sup> Kakpadze kukawe na so ngo lokole odo nse ota ngo mpia wu i kayirino kusekuse.

<sup>8</sup> I masoredze kase ne, oturi awune go nse okpi nse ofo ara ika weova, xee i Melkisedek kase ne, oturi go i Oko Sekelea oxe so ophia ngba ode lofo ara ika weova.

<sup>9</sup> Ne oso boawo oxe so go Abraham ota Melkisedek ara ika weova ne, ta Levi mawa ma nse mafu ara ika weova ma wu mata.

<sup>10</sup> Alaso maixe Levi ku owi gomо ame, xee kuxeme ne, ophia i o owa ima ame.

<sup>11</sup> Levi mabi soredze ide ame i mmara oki miba mita Israel kade. Ne oso si kuira iinina i Levi mabi masoredze ide negbe iso ne, be oso inya so soredze mama go nse le Melkisedek awe aaba i Aaron mawa kanya?

<sup>12</sup> Alaso si mafinikira masoredze ne, iyo ikate so maafinikira mmara.

<sup>13</sup> Bosate go iso maxe ara wagbe ne, kale mama ame ide obore fie kuwe iibore i kale gamo ame ode soredze onya.

<sup>14</sup> Boye kukaako so Yuda kale ame maxe wu mapia, fie Mose iixe kuira i kale gagbe masoredze ide iso.

### *Soredze Yetе Gо Nse Le Melkisedek*

<sup>15</sup> Itome ame okpa ibua go soredze mama go nse le Melkisedek ooba.

<sup>16</sup> Iide o oхekpare xee mmara iso manyo fie mabara wu soredze, xee iki i ole go mpia i ngba me loise miro ame.

17 Alaso Үaa ɔҗe sɔ,  
 “Aaɗe sɔɗɗe ɔwi ɗaa  
 le Melkisedek awe.”

18 Makpa mmara kuere mase i kurue alaso  
 mina ɔle gu kusia kukuwẽ,

19 fie miibara kaira iyi. Kiniɔ ne, boto bonyɔ  
 ira ne nle iɗo ɔri, nne loaboregu bo ibo Үaa.

20 Ana ne, ndamu ɔbu a i sɔɗɗe җete goḡbe iso.  
 Kokowi ne, Үaa iikã ndamu i masɔɗɗe kuere  
 iso.

21 Үee Yesu ɔkpese sɔɗɗe go Үaa ɔkã ndamu  
 ɔtã wũ sɔ,

“Bosate ɔkã ndamu teteree  
 fie ñibafinikira me sɔ,

‘Aaɗe sɔɗɗe ɔwi ɗaa.’ ”

22 Nnegbe ɔtã sɔ Yesu ɔkpese ayaikama ɔtã  
 ndamu me nle miɗo kokooko.

23 Masɔɗɗe kuere ɔsi gbodzoo alaso mase  
 makpi maҗe karabara.

24 Үee go Yesu iibakpi ɔnya ɔso ne, ñaɗe  
 sɔɗɗe ɗaa.

25 Ɔse ɔwo mma loki i ñ iso maba Үaa kɔre ɔfo  
 pelepele alaso ɔsi ngbã ɔwi biara fie ɔto ɔtã Үaa  
 iti ɔtã ma.

26 Ne ɔso Yesu nɗe sɔɗɗekpakpa pelepele go  
 igbã lonya bo. Ɔsekele fie ɔna ikpi kuiwẽ, ɔna  
 iҗere kuiwẽ, mate wũ mabɔregu i makpibaradze  
 ame, fie makɔle wũ kato maɗo kudokpo.

27 Ɔise le ma sɔɗɗekpakpa pelepele tsɔra  
 alaso ñise ɔfẽ ara i ñ momo akpi iti iyi biara toto  
 fie ñafẽ ara i maturi tsɔra akpi iti. Nnegbe ɔbara  
 ɔkpe ɔwẽ saã i ɔwi ɔɗuɗu kanya go ɔsu so ɔsɔre.

<sup>28</sup> Mose mmara se mibara oturi awune go mba ahere soredzekpakpa pelepele, xee Yaa ndamu me okã i Mose mmara kama obara Yaa Obi soredzekpakpa pelepele go loibakpi onya fie mibara wũ oyi pεεεεε.

## 8

### *Yesu Nde Bo Soredzekpakpa Pelepele*

<sup>1</sup> Itõme ne boto boxe odziri kere nde so, boba Soredzekpakpa gogbe. Osi i Olesate sigaraiyara kuðearõ iso i kato.

<sup>2</sup> Soredzekpakpa pelepele gogbe se obara õ kasumu karabara i kasekelekõ ga nde sikati ikpayo momo ame. Bosate momo lope ikpayo negbe ne iide maturi.

<sup>3</sup> Mase masera soredzekpakpa pelepele biara so õasu karatã gu ara fẽa, otã Yaa. Ne oso ikote so soredze gogbe ana ne, õawe nne õasu otã Yaa.

<sup>4</sup> Si karõ iso ngbe ide opia ne, õibana ori obara soredze karabara, alaso masoredze ma nse masu karatã mabo i mmara kanya pia koko.

<sup>5</sup> Masoredze karabara ga mase mabara ne, kare nga mpia i kato i ori owẽ iso fie ide ira ne matõ masore.

Alaso go Mose to oba õape sikati ikpayo ne, Yaa oxere wũ so, "Nyõ so aabara ira biara i kumego madj mate-o i kube iso pεεεεε."

<sup>6</sup> Xee masoredze karabara ga i Yaa osu opia Yesu nroõ ame le kaðo kakuere kokooko le kumego ame i ndamu xete me okã i Yaa gu õ maturi ndẽ le miðo mikuere alaso matsue kã masia i kahekase ga nle kaðo iso.

7 Si kuira iinina i ndamu deakatõ iso ne, tee iisibanya so maakã minyõare.

8 Үεε Үaa ɔnya iҫere i õ maturi iso gɔ ɔҫe so,  
 “Bosate so,  
 ɔwi to ɔba gɔ loanyi kanya ҫete  
 ku Israel kaɔe  
 gu Yuda kaɔe.

9 Fie kaibase le kanya inyi deakatõ  
 ga lonyigu ma mawa  
 ku ɔwi gɔ lomɔẽ ma i korõ  
 lokɔ ma lobɔregu i Egipte karõ iso.

Gɔ maibara i kanya ga lonyigu ma iso ɔso ne,  
 mme wũ loikpa ma.

10 Bosate ɔledza iҫe so kanya ҫete ga loanyigu  
 Israel kaɔe i ngbe ne,  
 ɔwi gɔmɔ ame ne,

Loasu wũ mmara lopia i ma adzuni ame  
 fie loatsere me losia i ma situ iso.  
 loaɔe ma Үaa  
 fie ma wũ maaɔe wũ maturi.

11 Kuwẽ iisibate õ ɔlaa  
 ҫee ɔte õ ɔnyiibi so ɔtsue Үaa.

Alaso ma ɔɔɔɔ to maatsue me  
 ita i ɔbiete kosoi tsɔra ise iabo makpakpa  
 pelepele iso.

12 Loanyɔ ma nnya losu ma akpi lotse ma  
 fie loisibanyigi wã lonya.”

13 Gɔ Үaa ɔɔe ika i kanya inyi ҫete iso ne, ite so  
 kaɔeakatõ ɔɔkpese kakuere, fie ira biara ne nse  
 ikuere ne, ise inina iwɔ pelepele.



## 9

*Ikpaki Ne Mpia I Yaa Kasumu Ame I Kato Gu Karō Ndē.*

<sup>1</sup> Ndamu kuere ɔwi ne, Yaa isɔre mmara ɔwe, fie kasɔrekō ana ɔwe.

<sup>2</sup> Mape sikati ikpayo fie maɣe ne ame aka anyɔ ala ɔkati. Mase makpere kaɗeakatokō sɔ Kasekelekō. Ngbe mase sikaniedziri gu ɔpɔrō gu isɔre aɗera ne.

<sup>3</sup> I ɔkati gɔ loɣe ikpayo kama ne, iyo ne mpia i kame mase marɔ sɔ Kasekelekō ame Kasekelekō.

<sup>4</sup> Mmɔ i sikāretea isɔrekasege ga iso mase matsuedza kua korōkorōa gu Ndamu aɗaka wa mafere sikāretea iso se ne. Sikāretea irɔi ne ame i Yaa aɗera wa marɔ sɔ mana pia i aɗaka wagbe ame. Ana ne, Aaron ɔsedziri gɔ lofere aɣōla gu ata wa iso matsere Yaa mmara masia pia i aɗaka wagbe ame.

<sup>5</sup> Aɗaka wagbe itititē ne, mabara ma Kerubi ma nto maɗi Yaa ikpawaĩ mate masia. Maware ma abue mafu ngbegɔ i maturi se mana nnyainyɔ. Iiɗe ɔwi gɔgbe ame boafafare ara wamɔ ame pelepele.

<sup>6</sup> Kumegɔgbe mase ara wagbe i mmɔ ne. Masoredze se mabo i ikpayo ne i katō ame maabara ma isɔre karabara iyi biara.

<sup>7</sup> Yee iyo ne i kame ame ne, soredzekpakpa pelepele ɔnɔwē pe nse ɔbo i mmɔ fie ɔkpe ɔwē saā ɔse ɔbo mmɔ i ikɔ ame. Si ɔabo i mmɔ ne, inya sɔ ɔasu ima ɔla, nne ɔasu ɔsɔre Yaa i ɔ gu maturi mama ma lobara ayere i idaatsue ame iti.

<sup>8</sup> Siwarā Bielea ɔte sekelee sikigu i ara wagbe ame sɔ ayi kumegɔ i sikati ikpayo ɗeakatō onya

iye ne, ori iibusu so kuwẽ aabo i Kasekelekõ ame Kasekelekõ.

<sup>9</sup> Nnegbe nto ite ara i kinio owi gogbe iso ne. Atoa so mase matã karatã gagbe, masore Yaa i ori gogbe iso ne, maisẽ mawo maturi situ obara so siase bololo.

<sup>10</sup> Alaso ara wagbe odudu ne, ode gu one gu kubarara agbãagbã wa loasekelera siturina iso kere ade. Mase kubarara gogbe odudu matã maturi awune gbogboogbo owi go maaba maaledza ira biara aayo.

*Kristo Ima Odji Akpi Iro I Maturi Iso.*

<sup>11</sup> Yee Kristo ooba le soredzepakpa pelepele awe otã ara see wa looba. Ode soredzepakpa pelepele i ikpayo ne lofo kuɣa fie ikote ido ideakatõ ame. Ikpayo negbe ne, iide oturi lope, go karõ nde so iide karõ iso ngbe ire ide.

<sup>12</sup> Kristo obo i Kasekelekõ ame Kasekelekõ okpe owẽ saã i owi odudu kanya. Iide kutepuĩ xee manantsuĩ ima ide osu okelagu, xee õ momo ire ide! Ne oso otã so Yaa aafõ bo owi odudu.

<sup>13</sup> Si kutepuĩ gu manantsuĩ ima gu inantsuĩbi ne matsuedza ndõ mase masu mawewẽ i makpibaradze iso masekelera ma fie ma iso aakpa ne,

<sup>14</sup> iyõ Kristo go loki i Yaa Siwarã iso osu so osore otã Yaa fie iyere kuiwẽ na iso xee? Nda iabara fie õ ima iibawo bo kayere ofore odji i kurabara go nna kusia kukuwẽ ame so boawo Yaa go mba ngbã osumu obua?

<sup>15</sup> Nwagbe oso ne, Kristo nde ngo losu kanya inyi xete ofere bo gu Yaa kanya ndu so mma i

Yaa okpere aafɔ kusekuse gɔ i Yaa ɔɣe ɔse fie kuna katui. Nnegbe ɔba ngbɔ alaso ɔturi lokpi fie ɔki i ɔ kukpi ame ɔɔi aɣere wa lowe i kanya inyi kuere ame.

<sup>16</sup> Si ɔturi iikpi ne, maise mabara ɔ ɔko gɔ ɔbara ɔse ɔtã ɔ karana iɣe karabara.

<sup>17</sup> Ayi kumegɔ i ngo lobara ɔko ɔtã ɔ ara iɣe si ngbã ne, maibawo ɔko gɔmɔ karabara ɔbara.

<sup>18</sup> Nnegbe ɔso fie ima iɔe masu masia kanya inyi kuere kɔra ita ne.

<sup>19</sup> Gɔ Mose ɔɔpe mmara ɔɔɔɔ imomo ɔtã maturi ɔɔɔɔ ɔro ne, ɔsu manantsuĩ ima gu kutepuĩ ne masakanya ku ndu gu sere siwerẽ retea gu iɣatati iwẽ ɔwẽ ima ɔfere i mmara ɔko gu maturi ɔɔɔɔ iso.

<sup>20</sup> Ɔɣe sɔ, “Ima negbe losia ita i kanya inyi ne i Yaa ɔnyi sɔ mibara i kã iso ne.”

<sup>21</sup> Ngbɔ ame i Mose ɔwewẽ ima ɔfere i ikpayo sekelea gu ne ame ara ɔɔɔɔ wa mase masu masɔre Yaa iso ne.

<sup>22</sup> I ɔnukuare ame i mmara kanya ne, ima mase masu masekelera ala ira biara fie akpi isu itse iise iba si ima iifere i karɔ.

*Kristo Ɔsu So Ɔsɔre Si Ɔɔi Bo Ɔbɔregu I Ikpi Ame.*

<sup>23</sup> Ne ɔso mase mabara kubarara gɔgbe masu masekelera ara wa lore kato are. Yee kato kasumu ara ne, ara wa nle aɔo mase masu masekelera wã.

<sup>24</sup> Alaso Kristo Kasekelekɔ ga ɔbo ne, iide nga masu nrɔɔ matsue ala fie kare kato kare kaɔe. Yee ne, ɔkele Yaa iyotẽ ngbegɔ ɔsi i Yaa anɔ i bo kanya.

<sup>25</sup> Ma Yudase sɔɛdzekpakpa pelepele se ɔkele iyo ne losekele ido ame ɔkpe ɔwẽ i iko biara ame ku mabɔi ima. Ƴee Kristo iise ñasu so ɔsɔɛ ikpe gbodzoo.

<sup>26</sup> Si ise ngbɔ ne, iyo inya sɔ Kristo aasu so ɔsɔɛ ikpe gbodzoo ita i kayi karɔkasekɔ. Ƴee Ƴaa ɔɔi wũ ɔte ɔkpe ɔwẽ saã ku kayi kawirikɔ gagbe sɔ iaki i ñ isu so isɔɛ ame ne, ñaɔi ikpi biara.

<sup>27</sup> Ipia sɔ ɔbiara aakpi ɔkpe ɔwẽ saã, ne kama ne, Ƴaa aayegu wũ atɔme.

<sup>28</sup> Ne ɔso Kristo ñ wũ ne, ɔsu so ɔsɔɛ ɔkpe ɔwẽ saã sɔ ñaɔi maturi gbodzoo. Ɔto ñaledza ikpese iba, iiside akpi isu itse ɔso, Ƴee ɔba ñaɔi mma nsi masia wũ.

## 10

### *Kristo Ɔsu So Ɔsɔɛ I Bo Iti.*

<sup>1</sup> Ma Yudase mmara ne, ara wa nto aba i katɔ kere ɔkala miɔe. Iide ara see wa nto aba mɔmɔ miɔe alasɔ miibawo ɔturi ɔɔi ɔbɔregu i ikpi ame iki i ara wa mase mafẽ iko biara ame.

<sup>2</sup> Si gbaã ne mma nto masumu Ƴaa to mana isekele ibɔɛ i ma akpi ame ne, tee ma kayere iiba kele i katɔ kala kaɔɔaa ma, iyo tee ara ifẽ itã Ƴaa ana ka iatui.

<sup>3</sup> Ƴee iko biara ara wa mase mafẽ se anyigira maturi ma akpi.

<sup>4</sup> Alasɔ manantsuĩ gu kutepuĩ ima iibawo akpi ɔfore ɔɔi ma iso.

<sup>5</sup> Ne ɔso fie si Kristo aaba kayi gagbe iso ne, ɔyere Ƴaa sɔ,  
“Iide ara fẽa gu karatã nse katã-ɔ isoɔɔ.

Υεε siturina aledza ase me.

<sup>6</sup> Ara wa maafē matā-ᵒ gu karatā ga i maturi se mabara itā ma akpi kasukatse iise ipia-ᵒ isoxo.

<sup>7</sup> Mmo loxe so, 'Nya me, looba lobara fo kudze le kumego matsere mase i wū iso i Oko Sekelea ame.' "

<sup>8</sup> Ode katō oxe so, "Karatā ga masu mabo-ᵒ gu ara wa mafē matā-ᵒ i akpi isu itse iti iise apia-ᵒ isoxo." Oxe ngbo atoa so ara ifē negbe odudu ne, mase mabara wā i mmara kanya.

<sup>9</sup> Fie oxe ana so, "Nya me, looba lobara fo kudze." Iki ne iso ne, Yaa okpa ara ifē kubarara deakatō ose i kurue fie osu Kristo okpe ose i ne kanya ne.

<sup>10</sup> Go Yesu Kristo obara nne i Yaa obie so obara oso ne, osekelera bo oji i bo akpi ame okpe owē i owi odudu kanya.

<sup>11</sup> Ma Yudase masoredze se mabara ma isore kubarara kuwē saā gomo iyi biara, xee ma ara ifē iise iwo akpi oji oboregu i maturi iso.

<sup>12</sup> Υεε Kristo oba obara kayora ga loyi i akpi iti itā owi biara, go oro ne, ose obase i Yaa kudearō iso.

<sup>13</sup> Fie ita i owi gomo ne, osi osia owi go i Yaa aasu o matsirise opia i o ngba kayirino.

<sup>14</sup> Alaso iki i okpe owē go osu so osore ne, obara mma akpi maosu matse so mayi owi odudu.

<sup>15</sup> Siwarā Bielea ana oxere bo so Bosate oxe so,

<sup>16</sup> "Kanya xete ga i mme Yaa loanyigu ma i owi go loaba ame ne,

loasu wū mmara lopia i ma situ ame.

Fie loatsere losia i ma adzuni ame."

17 Fie ɔɣe ana sɔ,

“Loisibanyigi ma akpi gu ma aɣere.”

18 Si ʎaa ɔɔsu ara wagbe ɔtse ne, iisinya sɔ maabara akpi kasukatse kubarara.

*Mitā Bobore Bobo ʎaa Ku Katetere.*

19 Ne ɔso ne, wũ manyii, ka boba ɔri sɔ boabo i Kasekelekõ ame Kasekelekõ iki i Kristo ima ne ɔfere i karõ ame.

20 Ala ɔsu õ siturina dze nde le ɔkati gɔ loɣe ikpayo ame ɔɔi ngbã ɔri ɣete ɔtã bo.

21 Ne ɔso gɔ boba sɔredzekpakpa pelepele siare i ʎaa isɔreyo ɔso ne,

22 mitã bobore bobo ʎaa ku ɔtu gɔ nse ɔɣe ɔnukuare, kafɔkaɔe ga nɣe i ngba iso teteree gu ɔtu gɔ kaɣere nyanyarĩa maɔfore gu sosina dze mapie ndu sekelee.

23 Mitã boya teteree i bo ɔriinyɔ ne itõme boto boɣe ame, alaso ngɔ lotã bo kaɣekase ne, ɔnukuarese ɔɔe.

24 Mitã bo malaa ara si aɔɔ bo kayiri si bopia ma ɔle i kuɔɔe ame i ara see ibara ame.

25 Midaatã bosẽ bo kasarekõ ise le kumegɔ i mawẽ se mabara. ʎee mitã bopia so katetere bobua gɔ boɣe sɔ Bosate ɔbawi ɔɔpetepete.

26 Alaso si ka boɣe ɔnukuare boro fie bokpese boto bobara ikpi ne, ara ifẽ kuiwẽ siina i akpi iti.

27 ʎee nne lookuti nde sɔ boawe i ifõ ame bosia atõme iɣegu gu itokpe siare ne loatsuedza mma lota maɣe ʎaa iso.

28 ɔbiara gɔ lota ɔya Mose mmara iso ne, maisɛ manyɔ wũ nnya, mase maɔɔe wũ si maɣegu wũ

atõme fie maturi inyo xee ite oðe ađansie so obara ira lalaa.

<sup>29</sup> Be maabara mma lonyo Yaa Ōbi pupurii, fie mainyo ñ ima ne nde Yaa kanya inyi ne losekelera ma iboregu i akpi ame le ira ne lofo kuɣa? Mase masopara nnyainyo Siwarã ana. Makote matã kutsue ikpadzẽ siare ne lobua imo.

<sup>30</sup> Alaso boxe ngo loxe so, “Loakpadzẽ mma lobara ikpi kutsue fie loabara ma loti kuso.” Oxe ana so, “Bosate to ñaxegu ñ maturi atõme.”

<sup>31</sup> Ifõra idẽ so oturi aabo i Yaa go mba ngbã sikipã ame.

<sup>32</sup> Midaaxara inyewe gbodzoo ne oduɗu ame miki ku owi go mitsue Yaa kere.

<sup>33</sup> Ōwi omoi ne, matia mi i maturi ndẽ fie mimorẽ ana. Ōwi omoi ana ne, mase maka mi mabua i mma mato mabara otile iso.

<sup>34</sup> Miwe kayiribielea i mayoredze iso fie atoa so mafõ mi mi karana iso ne, minyua mitã ma miikpẽgu ma. Alaso mi momo xe so karana ga nle kaɗo ngamõ fie kaibanina se katã mi.

<sup>35</sup> Ne oso midaatã nroõ si mifẽ mi go miye so kuso siare se kusia mi.

<sup>36</sup> Ikote so miana otu so miawo Yaa kudɔe obara fie miafõ nne oxe ose.

<sup>37</sup> Alaso Ōko Sekelea oxe so,  
“Ikuti kekei fie ngo loaba aaba, ñisibanina owi.

<sup>38</sup> Ngo nse bõlõlõ to ñase i kafokade ame.  
Yee si okpese kama ne,

So iibaɣo me i ñ iso.”

<sup>39</sup> Bo xee ne, bona i mma nse makpese kama fie mase mawõ ndẽ, xee mma lofo maɗe fie masi ngbã ndẽ bopia.

# 11

## *Nne I Kafokade De.*

<sup>1</sup> Kafokade nde anɔ isu isia i ira ne ato anyɔ ɔri iso teteree, fie aasu fɔ ɔtu asia i ira ne aito anya, ɣee aɣe sɔ ipia iso.

<sup>2</sup> Iki i kafokade ame i makuere ɔbo Ƴaa anɔ.

<sup>3</sup> Iki i kafokade ame bofɔ boɔde sɔ Ƴaa ne, ɔ itɔme idɛ ɔsu ɔbara kayi. Ne ɔso ɔsu nne boise bonya ala anɔ ɔbara nne bose bonya.

<sup>4</sup> Iki i kafokade ame i Abel ɔfɛ ara sɛɛ wa lobo Ƴaa anɔ aɔɔ Kain are. Iki i ne iso ne, Ƴaa ɔnyɔ wũ sɔ ɔɔde ɔturi bɔbɔla. I kafokade ame ne, atoa sɔ Abel ɔɔkpi ne, ɔ kafokade togu bo ika idɛ iki i ɔ kurabarara ame.

<sup>5</sup> Iki i kafokade ame i Ƴaa ɔsu Enok nyɔa ɔkelegu kato sɔ ɔikpi. Maisinya wũ ala Ƴaa ɔsu wũ ɔruigu. Si ɔakele kato ne, maɣe i ɔ iso sɔ ɔbo Ƴaa anɔ.

<sup>6</sup> Si ɔturi na kafokade ne, ɔibawo Ƴaa anɔ ɔbo alaso si aaba Ƴaa kɔre ne, ikote sɔ aafɔ aɔde sɔ ɔpia, fie ɔbiara gɔ nse ɔnyɔnyɔ wũ dzinitii se ɔnya wũ.

<sup>7</sup> Iki i kafokade ame ne, Noa ɔkã Ƴaa atsue gɔ ɔɣere wũ sɔ nne i ɔturi kuwɛ iinya ɔnya to iaba. Ɖwe aɔaka ɔkolo gɔ ame i ɔ gu ɔ iyo maturi ɔna idɔ. Iki i nnegbe ame ne, ɔtã kayiiso maturi ipɔ fie ɔfɔ kaɔekɔ ga nse katã maturi sekelea ma lofɔ maɔde.

<sup>8</sup> Iki i kafokade ame i Abraham ɔkã atsue gɔ Ƴaa ɔkpere wũ sɔ ɔkele karɔ ga ɔatã wũ le ɔ kaɔekɔ iso. Ɖkã Ƴaa atsue atoa sɔ ɔiɣe ngbego sɔ ɔkele.



<sup>9</sup> Iki i kafɔkaɔɔɔ ame ne, Abraham ɔwe i karɔ̃ ga i ʒaa ɔɔɔ ɔse so ɔ̃asu ɔtã wũ iso le ɔfo awe. ʒse i akpayo ame le Isak gu Yakob ɔse i akpayo ame atoa so karɔ̃ ga iso masi ne, ʒaa ɔɔɔ ɔse so ɔ̃asu ɔtã ma.

<sup>10</sup> Abraham ɔbara ngbɔ alaso ɔto ɔnyɔ ɔri ɔtã ɔmagẽ siare go i ʒaa mɔmɔ loɔɔɔe fie ɔ̃ kubereku go mapia i karɔ̃ ame ba ɔle.

<sup>11</sup> Iki i kafɔkaɔɔɔ ame ne, atoa so Sara ɔɔbe ɔfe ɔbi iɔe ne, ɔna ɔle ɔla kayiri alaso ɔfo ʒaa go lokã ndamu ɔtã wũ so ɔɔɔe ngo nse ɔbara i nne ɔɔɔ iso.

<sup>12</sup> Ne ɔso iki i Abraham ɔnɔwẽ go loɔbe iso ne, ɔɔekpare go losi ɔgɔɔɔ. Masi le awami i kuɔokpo ɔɔe ɔpo ame iwarĩ ne maibawo ɔka.

<sup>13</sup> Iki i kafɔkaɔɔɔ ame i magbe ɔɔɔɔ ɔse ngbã gbɔgbɔɔgbɔ ɔwi go makpi, maifo ara wa i ʒaa ɔɔɔ ɔse so ɔ̃atã ma. Manya wã dzoroo fie matofora wã. Matɔrã masia so mafɔ gu marisɔɔɔe maɔɔe i kayi gagbe ame.

<sup>14</sup> Fie maturi ma nto maɔɔe ara wagbe ne, maɔte sekelee so ma mɔmɔ karɔ̃ mato mabie.

<sup>15</sup> Si karɔ̃ ga iso i ʒaa ɔkpere ma ɔruigu mato mabie ne, tee maba ɔri so maakpese makele mmo.

<sup>16</sup> ʒɔɔ le kumegɔ ise ne, mato mabie ma mɔmɔ aɔɔe karɔ̃ ga nle kaɔɔ nga iso mase. Karɔ̃ ga mato mabie nde Kato. Ne ɔso iise ikpẽ ʒaa kunuare so ɔ̃ɔɔe mmagbe ʒaa, alaso ɔto ɔledza ɔmagẽ siare go nle ɔɔɔ ɔse ma.

<sup>17</sup> Iki i kafɔkaɔɔɔ ame ne, Abraham ɔsu ɔ̃ ɔbi Isak ɔtã go ʒaa ɔla wũ ɔnyɔ. Atoa so ɔbi go i ʒaa

ɔɣe ɔse so ɔatã wũ ɔde ne, ɔtorã so ɔasu ɔ obi birereĩ ɔwẽ saã ɔfẽ ara ɔtã ɔaa.

18 ɔee ɔaa ɔɔɣe i ɔko Sekelea ame ɔdegu katõ i Isak iso so, “Isak mabi ame maaka-ɔ mawa.”

19 Abraham ɔfo ɔde so ɔaa to ɔawo Isak ɔtara ɔɔi i makpise kɔra ame, fie gbaã ne, ɔfo wũ le ngo lota ɔbɔre i makpise ame.

20 Iki kafɔkaɔde ame i Isak ɔtã Yakob gu Esau kusekuse i nne maaba maakpese iso.

21 Iki i kafɔkaɔde ame ne, go Yakob ɔɔro ɔkpi ne, ɔtã Yosef mabi birereĩ kusekuse. ɔpiete i ɔ ɔsedziri iso ɔbo iti karõ ole ɔaa.

22 Iki i kafɔkaɔde ame ne, go Yosef ɔkpiwi ɔɔɣo ne, ɔde ika ɔɣere Israel mabi i ma irui i Egipte iso fie ɔɣere ma kumego maabiara wũ ana.

23 Iki i kafɔkaɔde ame i Mose maɣese ɔkola wũ awa ate i kudɔkpo ku ɔwi go maɣe wũ. Manya so obi ɔre situri fie mainigã Egipte igarakpakpa mmara me ɔtã.

24 Iki i kafɔkaɔde ame go Mose ɔmo ne, ɔsẽ so madaaro wũ so Egipte igarakpakpa ɔbirɔgomi obi.

25 ɔtorã so ɔawe inye ku ɔaa maturi ɔɔo so ɔanagu makpibaradze isoɣo ɔwi kurukutu.

26 Mose ɔnyo so kunuare go maapia wũ i Kristo iti ɔfo kuya kudɔ karana ga mpia i Egipte alaso ɔnyo kuso go ɔto ɔba ɔafɔ ɔsese.

27 Kafɔkaɔde ame ɔrui i Egipte fie ɔinigã igara sikipã alaso ɔfo ɔaa go ɔito ɔnya ɔde teteree le ɔnya ɔto wũ awe.

28 Iki i kafɔkaɔde ame i Mose ɔse Kukpi ɔtakuwara Bo Iyi. ɔtã Israel mabi ɔsu ima

manukutu i ma ayo akui iso sɔ Kukpi Kpabo gɔ loawɔra Egipte abiete si ɔdaabara ma ikpi kuiwẽ.

<sup>29</sup> Iki i kafɔkaɖe ame i Israel mabi ɔse mawara Ɖpo Retɛa le karɔ̃ korea iso mase, ɣee gɔ Egipte maturi ma ntere masiai ma ɔbo i ɔpo ame ne, mawã ndu makpi.

<sup>30</sup> Iki i kafɔkaɖe ame i ibere ne matsue maki malo Yeriko ɔbie gɔ Israel mabi ɔse maki malo ne akpene akɔdze.

<sup>31</sup> Iki i kafɔkaɖe ame fie maiɖoe Rahab gɔ nde asɔɔɖedze ku ɔwi gɔ maɖoe mma loifo Ƴaa maɖe alaso ɔfo marerẽ ma lose maala karɔ̃ manyɔ kukaako.

<sup>32</sup> Be loakpese loɣe ana? Alaso ɔwi na gɔ loaɖe ika i Gideon gu Barak gu Samson gu Yefta gu David gu Samuel gu Ƴaa kanyamaɖidze iso.

<sup>33</sup> Iki i kafɔkaɖe ame i mmagbe mawẽ ɔkpẽgu sigarakuɖekɔ̃ kuwẽ maɖe ma iso, ma mawẽ ɔɣe atɔme i ɔri iso, mawẽ ɔfo ara wa maɣe mase matã ma, fie mawẽ ana ɔẽ ma dzata nnya.

<sup>34</sup> Iki i kafɔkaɖe ame ne, mawẽ ɔnidza itokpe ne nto itsue ku ole, kã ame lotã sɔ maiɖoe mawẽ i karpã ame ne. Kafɔkaɖe lotã mawẽ ma nse nyɔkɔ̃ɔ̃ ɔkpese mma mba ole fie katã mawẽ ana ɔbara kagbegbe i karpã ame. Kã ame losamarã makpakpɛdze mama ne.

<sup>35</sup> Kafɔkaɖe lotã matara marɔ̃go ma manyii lokpi matã ma. Mawẽ ana ɔtorã sɔ maawe inye makpi ne maibasẽ Ƴaa, si maata mabore i makpise ame mase ngbã me nle miɖo mmegbe.

<sup>36</sup> Mabara mawẽ aɣiãra, mape mawẽ, mapia mawẽ kugbagɔɔɔ̃ fie marara ma iyo.

<sup>37</sup> Mapɛ mawẽ ata, fiɛ make mawẽ ana ala saa. Maɔɔe mawẽ ala ipɛmi, mawẽ ɔkpese mawereba ma lowe i imɔrẽ ame fiɛ mawe i maserererɔ gu kutepuĩ siko ame, maturi ɔte ma ɔɣiã.

<sup>38</sup> Ma sibiele ɔso ne, maina kasekɔ i kayiiso maturi ndẽ, ne ɔso mawe maki i fafuĩ ame gu abe iso gu sikpolo gu awo ame i karɔ ame.

<sup>39</sup> Atoa sɔ mmagbe ɔɔɔɔ kafɔkade ɔɔe aɔansie sɛɛ i ma iso ne, maifo nne i ʒaa ɔɣe ɔse i ma iso.

<sup>40</sup> Alaso ʒaa ɔledza ira sɛɛ iwẽ ne nle iɔo ɔse bo, ne ɔso si boiba boabua i ma iso ne, ñibabara ma mayi pɔpɔpɔ.

## 12

### *ʒaa Nɔe Bo ɔse.*

<sup>1</sup> Ne ɔso go boba maturi gbodzoo magbe fiɛ maki malɔ bo le idɔɔo mato mapia bo ɔle ɔso ne, mitã bodji ɔri itẽra biara titirio ikpi ne nse iɔaa bo iɔo sɔ boawo anɔ ɔkarã ɔtere ise ne nse bo i katɔ ku ɔdzini.

<sup>2</sup> Mitã bo anɔ si asia i Yesu iso ala ñ lose bo kafɔkade ɔri karɔ fiɛ ñ ame lowiri ne. ʒya teteree i kunuare kukpi go ɔkpi ame go mapɛ wũ mamatãra i kudziri iso ala ɔɣe isoɔo ne nse wũ i katɔ fiɛ kinio ne, ka ɔsi i ʒaa kuɔearɔ iso.

<sup>3</sup> Nroɔ iibafẽ mi si misu mi adzuni misia i Yesu iso. Ngo i atoa sɔ makpibaradze ɔtia ne, iɔaa wũ.

<sup>4</sup> Atoa sɔ mito mikpẽgu ikpi kɔra ne, iibo ngbego ianya sɔ miafere mi ima i karɔ.

<sup>5</sup> Mioɣara katetere ipia itõme ne ame makpere bo sɔ ʒaa mabi? Ne nɔe sɔ,

“Wũ obi, daanyo Yaa ikpadzẽ pupurii.

Fie si onyagalagu-o ne, nroõ si midaafefẽ-o.

<sup>6</sup> Alaso ngo i Yaa to oḍoḍe ne, õ ose okpadzẽ i ori iso ne.

Fie obiara go ofo le õ obi awe ne, õ ose okpadzẽ kutsue ne.”

<sup>7</sup> Si mato makpadzẽ mi ne, mina otu alaso Yaa ne, okpadzẽ oto mi le mabi awe. Bere mme obi mpia so õ ose iise okpadzẽ wũ?

<sup>8</sup> Si makpadzẽ obiara xee mi maikpadzẽ mi ne, ite so omagẽ ame mabi miḍe ne miḍe mabi momo.

<sup>9</sup> Ne kama ana ne, boba mayese i kayiiso ma nse mate bo ara, xee bose boware ma. Iyo boibabo so karõ botã ngo nde bo siwarã ame Ose fie boase ngbã?

<sup>10</sup> Bo mase se makpadzẽ bo owi kurukutu go lokote ma ame. Yee Yaa se okpadzẽ bo so si ialegu bo fie boase sekelee le õ.

<sup>11</sup> Onukuare ide so si ato akpadzẽ oturi kinio ne, iise iwe wũ omerẽ, xee ise ibo wũ. Yee kama ne, ikpadzẽ negbe se itã so õabara ara see, ose ngbã i isobue ame.

<sup>12</sup> Ne oso mi nroõ me loofefẽ gu agegẽ wa lobara nyokõtoõ ne, mipia wã ole.

<sup>13</sup> Mikpẽ siri dekperere mitã so si mabafã sinye iibanyagẽ ma, xee maana isosare.

### *Minyo Kukaako So Miibakpese Yaa I Kama*

<sup>14</sup> Mikpẽ so isobue aawe i mi gu obiara ndẽ. Mipia kube so miase sekelee alaso ngo loisekele iibanya Bosate.





<sup>5</sup> Midji sikã kanɔbɛbɛ biara i mi ngbã ame si nne miba si ibo mi anɔ alaso ʎaa ɔɣe sɔ,

“Loibanyua-ɔ lose,  
 ɣee lodji-ɔ atsue kuiyikuiyi.”

<sup>6</sup> Ne ɔso boawo ɔɣe ku katetere sɔ,

“Bosate nde wũ buaidze, ne ɔso loibanigã.  
 Be i ɔturi awune aawo me ɔbara?”

<sup>7</sup> Minyigi mi matɔɔɔɔɔɔɔɔ ma loba maade katɔ mayere mi ʎaa itɔme si minyɔ kumegɔ mase ngbã. Minyɔ ma ʎaa kafɔkade si misore ma.

<sup>8</sup> Yesu Kristo iise ɔfiniki. Ɔ go ame lowe ku kɔmakade ne, ɔ ame mpia nɔme fie ɔawe ɔwi biara ne.

<sup>9</sup> Midaatã ara ite agbãagbã wa nna karɔ si akɔ mi ayura. ʎaa pe nse ɔbuale bo ɔtã bo siwarã ame ɔle, ne iide aradea itsiri mmara me loibabuai bo fie miise mibuai mma nse mabara i me iso.

<sup>10</sup> Boba isɔrekasege ga iso boawo adera ɔɔɔɔ, ɣee ma Yudase masɔɔɔɔɔɔɔɔ ma nse mabara karabara i ma kasɔrekɔ na ɔri sɔ maade kã iso ara.

<sup>11</sup> Ma Yudase masɔɔɔɔɔɔɔɔ ɔkpakpa pelepele se ɔsu boi ima ɔkelegu Kasekelekɔ ame Kasekelekɔ le nne mato masu masɔɔɔɔɔɔɔɔ i maturi akpi iti awe, ɣee mase matsuedza boi mɔmɔ i kabenya.

<sup>12</sup> Ngbo ame i Yesu ɔɔɔɔ ɔɣiã i kabenya si ɔsu ɔ mɔmɔ ima ɔsekelera maturi ɔbɔɔɔɔɔɔɔɔ i ma akpi ame ne.

<sup>13</sup> Ne ɔso bo wũ mitã bokɛɛ ɔ kɔɔɔɔ i kabenya si mapia bo kunuare le kumegɔ mapia wũ kunuare faa.



14 Alaso bona omagẽ kuwẽ i kayi gagbe iso go ñase otã bo owi biara, ƣee omagẽ go nto ōba boto bobie.

15 Ne osu mitã boki i Yesu iso bosu ile ne nse le ara ifẽ bola bootã Ƴaa owi biara. Ne nde nne nse ibore i mma lofo ñ iyere mađe kanya ame ne.

16 Midaayara ara see ibara gu ara itã maturi alaso nnegbe nde le ara ifẽ ne nse ibo Ƴaa ano ne.

17 Mikã mi matõdẽdze atsue si mibo so karõ mitã ma, ala ma nto madzuẽ mi fie maatã Ƴaa mi ngbã iso akõnta ne. Mitã so maabara nnegbe ku isoyõ ne iide ku otu go mba ororã ala nnemo iibabuai mi.

18 Mila miokparama kayi i bo iti alaso boye so bo situ ame okpa fie boto bobie so boabara ira biara ku kuware

19 Nto lokare loboregu i mi kore so mikparama kayi teteree so Ƴaa aatã loledza mi kore iba mala.

### *Kawirikõ Atõme.*

20 Ƴaa go nse otã isobue, ngo lotara Bosate Yesu go nde Maserekõdze Siare oboregu i makpise ame, iki i ñ ima kanya inyi ne nna katui ame,

21 si osu ara see odudu otã mi kere so miawo ñ kuḍe obara. Ōki i Yesu Kristo iso obara nne loabo wũ ano i bo ndẽ. Ō okpe nde ile ita i kinio ikpa daaro daaro. Si iba ngbo.

22 Manyii, loto mi i kukpa so miyara so si mikã atsue atoa so oko go lotsere losese mi iikarã.

23 Nto lotã mi itsue so maḍi bo onyii Timoteo i iyo. Si owula wũ kore ōba ne, iyo bo gu wũ loaba mi kore.

<sup>24</sup> Loya mi matõðedze gu mafõðedze ɔɖuɖu. Mma ɔɖuɖu lobõre Italia maba so maya mi.

<sup>25</sup> Yaa abualera si awegu mi ɔɖuɖu. Si iba ngbo.

## **Siwu**

### **Siwu: Ndamu Yεε Siwu New Testament**

copyright © 2008 Wycliffe Bible Translators, Inc.

Language: Siwu

Contributor: Wycliffe Bible Translators, Inc.

All rights reserved.

2025-04-26

---

PDF generated using Haiola and XeLaTeX on 25 Apr 2025 from source files dated 26 Apr 2025

b5020a1a-c7b9-512a-9b46-1e462be571d4